



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Pranuar / Dorezuar Primi/enal/Prodato Received/Delivery	09. 11	2023	3	viti god year
Organ /Njësia Organ /Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity	
SKM/SHK	6955	2023	1/5	



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1207/2023

Këshilli i Pavarur Mbikëqyrës për Shërbimin Civil të Kosovës- Kolegji për Shqyrtimin dhe Vendosjen e Ankesave i përbërë nga: Eshref Shabani-kryetar, Jeton Koca dhe Ardita Haxhnikaj-Demi-anëtarë, me Çlirim Zeka-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.1207/2023 të datës 26.09.2023 të parashtruar nga ankuesja me adresë kundër Vendimit me numër Nr.25/2023 të datës 19.09.2023 të Divizionit të për Zhvillimin e Rekrutimit dhe Inspektimit, në çështjen juridike "Kontestim Konkursi", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin dhe 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 09.11.2023, mori këtë:

V E N D I M

Refuzohet si e pabazuar ankesa me numër A.nr.1207/2023 e datës 26.09.2023 e parashtruar nga ankuesja.

Mbetet në fuqi Vendimi Nr.25/2023 i datës 19.09.2023 i Divizionit për Zhvillimin e Rekrutimit dhe Inspektimit.

A r s y e t i m

Ministria e Punëve të Brendshme në bazë të Ligjit Nr.06/L-114 për Zyrtarët Publik, neni 34 paragrafi (2 dhe 3) dhe nenin 7 dhe 9 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës fillimisht më datë 14.07.2023 ka njoftuar për konkursin me numër reference Nr.ref.RN00012073, për grupin Specialistë i Administrimit të Përgjithshëm për pozitën e punës "Inspektor i Tregut", në Ministrinë e Industrisë, Ndërmarrësisë dhe Tregtisë ku afati

për aplikim ka qenë nga data 04.08.2023 deri më datën 11.08.2023.

Në bazë të listës së aplikacioneve në këtë konkurs ka aplikuar edhe ankuesja me kodin me numër Nr. RN0012073. Më datë 08.09.2023 Divizioni për Zhvillim të Rekrutimit dhe Inspektimit ka nxjerrë Vendimin me numër Nr.205/2023 përmes së cilit ankueses i është refuzuar aplikacioni, me arsyetimin se e njëjta nuk ka ofruar dëshmitë e kërkuara sipas konkursit, kopjen e Diplomën e arsimit të lart më së paku 3 vite të studimeve në fushat Arsim i lartë i paspecifikuar, Certifikatë/vërtetim nga Gjykata ose nga Këshilli Gjyqësor i Republikës së Kosovës me të cilin dëshmohet se nuk jeni dënuar me vendim të formës së prerë për kryerjen e një veprë penale me dashje, jo më të vjetër se gjashtë (6) muaj nga data e lëshimit si dhe (nëse kohëzgjatja lidhur me përvojën e kërkuar e punës, është në sektorin publik) ku ka punuar kandidati me të cilin dëshmohet se ai nuk ka një masë disiplinore në fuqi për largim nga një pozitë e zyrtarit publik të pushuar sipas Ligjit Nr.06/L-114 për Zyrtarët Publik.

Ankuesja kundër Vendimi me numër Nr.205/2023 të datës 19.09.2023, më datë 12.09.2023 përmes portalit elektronik, ka parashtruar ankesë në Divizionin për Zhvillimin e Rekrutimit dhe Inspektimit, Departamenti për Menaxhimin e Zyrtarëve Publik. Ndërsa më datë 19.09.2023 Divizioni për Zhvillimin e Rekrutimit dhe Inspektimit ka nxjerrë Vendimin me numër Nr.25/2023 përmes së cilit ankueses i është refuzuar ankesa si e pabazuar.

Ankuesja e pakënaqur me Vendimin me numër Nr.25/2023 të datës 19.09.2023 të Divizionit për Zhvillimin e Rekrutimit dhe Inspektimit, më datë 25.09.2023 përmes e-mailit zyrtar ankesa.kpmschck@rks-gov.net ka parashtruar ankesë e cila në Këshill është pranuar me datë 26.09.2023 me numër të protokollit 6249/2023 në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosijes së Ankesave në Këshillin e Pavarur Mbikëqyrës për Shërbimin Civil të Kosovës, më datë 04.10.2023 ka dërguar kërkesën për përgjigje në ankesë tek Departamenti për Menaxhimin e Zyrtarëve Publik, Ministria e Punëve të Brendshme, ndërsa Këshilli më datë 10.10.2023, ka pranuar përgjigje në ankesë nga Departamenti për Menaxhimin e Zyrtarëve Publik, Ministria e Punëve të Brendshme, me shkresat e bashkangjitura të lëndës.

Kolegji për Shqyrtimin dhe Vendosijen e Ankesave, ka administruar këto prova: Ankesën me numër protokollit 6249/2023 të datës 26.09.2023 të parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; E-mail nga [] për ankesa.kpmschck@rks-gov.net i datës 25.09.2023; Vendim me Nr.25/2023 i datës 19.09.2023 i Divizionit për Zhvillimin e Rekrutimit dhe Inspektimit; Ankesë e ankueses e datës 12.09.2023 drejtuar në Divizionin për Zhvillimin e Rekrutimit dhe Inspektimit/Departamenti për Menaxhimin e Zyrtarëve Publik; Vendim me Nr.205/2023 i datës 08.09.2023 i Divizionit për Zhvillimin e Rekrutimit dhe Inspektimit; Certifikatë mbi dënimet penale e [] i datës 10.08.2023; Diplomë nga Universiteti i Prishtinës "Hasan Prishtina" e [] me numër nr.605 i datës 12.10.2016; Diplomë nga Universiteti i Prishtinës "Hasan Prishtina" e [] me numër nr.279 i datës 20.09.2019; Vërtetim nga AUV për [] me numër protokollit 6191 i datës 12.09.2023; Kërkesë për përgjigje në ankesë e datës 04.10.2023; Përgjigje në

ankesë e datës 10.10.2023; Aplikacioni i [] i datës 10.08.2023; Diplomë për kryerjen e shkollës së mesme të lartë profesionale e [], me numër protokolli 86 i datës 13.09.2011; Certifikatë nga Usaid për [] e muajit Mars 2017; Marrëveshje për praktikë në punë në APRK i [] i datës 05.02.2018; Vërtetim nga AUV për [] me numër protokolli 2047 i datës 30.03.2020; Letër rekomandim nga shëf i inspektoriatit fitosanitar për [] i datës 30.03.2020; Letërnjoftim i []; Vërtetim nga AUV për [] me numër protokolli 2048 i datës 30.03.2020; Vërtetim nga AUV për [] me numër protokolli 4746 i datës 31.07.2017; CV-ja e []; Vërtetim nga AUV për [] me numër protokolli 6191 i datës 12.09.2023; Njoftim nga DMZP i datës 11.09.2023; Njoftim nga DMZP i datës 19.09.2023; Lista e aplikantëve nga Simbnj; E-mail nga [] për [] i datës 08.09.2023; Konkurs me emrin e grupit Specialistë i Administrimit të Përgjithshëm për pozitën e punës "Inspektor i Tregut" në Prishtinë, në Ministrinë e Industrisë, Ndërmarrësisë dhe Tregtisë i datës 14.07.2023;

Kolegji për Shqyrtimin dhe Vendosjen e Ankesave, pas shqyrtimit të të gjitha shkresave të lëndës të parashtruara nga palët në procedurë, ka konstatuar se ankesa e ankueses, *është e pabazuar, sepse:*

Ankuesja e pakënaqur me Vendimin me numër Nr.25/2023 të datës 19.09.2023 të Divizionit për Zhvillimin e Rekrutimit dhe Inspektimit, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimin se në momentin e aplikimit nuk ka funksionuar rrjeti apo sistemi i Simbnj, dhe se DMZP-ja nuk i ka marrë parasysh pretendimin se dëshmitë e ofruara pas afatit nuk pranohen.

Kolegji i Këshillit, pasi ka shqyrtuar pretendimet ankimore të ankueses ka konstatuar se kërkesat e përgjithshme formale të konkursit me numër Nr. të referencës RN00012073 për emrin e grupit Specialistë i Administrimit të Përgjithshëm, për pozitën e punës "Inspektor i Tregut", klasa e pozitës "Profesional 1" në Ministrinë e Industrisë Ndërmarrësisë dhe Tregtisë kanë qenë:

- *Arsimimi i kërkuar: Diplomë/a e arsimit të lartë me së paku 3 vite të studimeve në fushat; Arsim i lartë i paspecifikuar;*
- *Kualifikime të posaçme formale;*
- *Përvoja e punës: Se paku dy (2) vite përvojë pune profesionale në fushën për të cilën zhvillohet procedura për plotësimin e pozitë së lirë të punës.*

Në pikën 7 të këtij konkursi si dokumentacioni që duhet paraqitur për aplikim janë: *Kopjet e diplomave të dhëna nga institucionet arsimore, nostrifikimin apo aktin që dëshmon se diploma e marrë jashtë vendit është në procedurë të nostrifikimit; Kopjen e dëshmisë së punësimit të cilave u bashkangjitet së paku njëra nga dëshmit mbështetëse si në vijim: pasqyrën pagesave në fondin e kursimeve pensionale, pasqyrën e pagesave të obligimeve tatimore në përputhje me legjislacionin tatimor për të ardhurat personale (vërejtje nuk vlen vetëm vërtetimin dhe apo vetëm dokumenti mbështetës, është i nevojshëm ngarkimi në sistem i të dy llojeve të dokumenteve vërtetimi si dëshmi kryesore dhe njëra nga pasyrat si dëshmi mbështetëse). Nuk kërkohet dëshmi mbështetëse për përvojën e punës në sektorin publik. Kopjet e dëshmisë së trajnimeve të ndjekura apo trajnimeve që aplikuesi i ka realizuar në cilësinë e trajnuesit. Njëra nga këto dokumente është e njaftueshme; Dëshmi përkatëse se kandidati ka zotësi të plotë për të vepruar (prezantohet nga kandidati nëse ai ajo përzgjidhet për emërim pas përfundimit të vlerësimit dhe në përputhje me rezultatin e arritur);*

Dëshimi mjekësore se kandidati është në gjendje të mirë shëndetësore për kryerjen e detyrës; Certifikatën /vërtetimin nga Gjykata ose Këshilli Gjyqësore i Republikës së Kosovës me të cilin dëshmohet se nuk jeni dënuar me vendim të formës së prerë për kryerjen e një vepre penale me dashje jo me te vjetër se gjashtë (6) muaj nga data e lëshimit; Nëse kohëzgjatja lidhur me përvojën e punës, është në sektorin publik, atëherë është i nevojshëm vërtetimi nga institucioni ku ka punuar kandidati me të cilin dëshmohet se ai nuk ka një masë disiplinore në fuqi për largim nga një pozitë e zyrtarit publik të pushuar sipas Ligjit Nr.06/L-114 për Zyrtar Publik; Nëse përvoja e punës e deklaruar është në sektorin privat brenda apo jashtë vendit në një OJQ brenda apo jashtë vendit apo angazhimi nga i cili rrjedhë përvoja e punës në ndonjë formë e marrëdhënies kontraktuale që nuk nënkupton marrëdhënie pune, atëherë është i nevojshëm një vetë deklaram i nënshkruar se ai/ajo nuk ka një masë disiplinore në fuqi për largim nga një pozitë e zyrtarit publik të pushuar sipas ligjit Nr.06/L-114 për Zyrtar Publik.

Kolegji për shqyrtimin dhe vendosjen e ankesave referuar bazës ligjore si më lartë si dhe provave që gjenden në shkresat e lëndës ka konstatuar se ankuesja nuk ka ofruar dëshmitë e kërkuara me konkurs ashtu siç parashihen në dispozitat e Ligjit Nr.06/L -114 për Zyrtarët Publik konkretisht nenin 8 paragrafin 1, nën paragrafin 1.5 dhe 1.6, ku përcaktohet se: *“Kërkesat e përgjithshme për pranimin e zyrtarëve publikë janë: 1.1. të jetë shtetas i Republikës së Kosovës; 1.2. të ketë zotësi të plotë për të vepruar; 1.3. të zotërojë njërën nga gjuhët zyrtare, në pajtim me Ligjin për Gjuhët; 1.4. të jetë i aftë në pikëpamje shëndetësore për të kryer detyrën përkatëse; 1.5. të mos jetë i dënuar me vendim të formës së prerë për kryerjen e një vepre penale me dashje; 1.6. të mos ketë në fuqi një masë disiplinore për largim nga një pozitë e zyrtarit publik, të pushuar sipas këtij ligji”*, ndërsa sipas nenit 12 paragrafi 2 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, e cila përcakton se: *“2. Së bashku me aplikacionin për pjesëmarrje në procedurën e konkurrimit, kandidatët duhet të bashkëngjitin edhe dokumentacionin si në vijim: 2.1. kopjet e diplomave të dhëna nga institucionet arsimore; 2.2. kopjet e dëshmisë së punësimit, dhe 2.3. kopjet e dokumenteve që provojnë plotësimin e kushteve për aplikim të përcaktuara në shpalljen e konkurrimit dhe të deklaruara në aplikacion”*. Kolegji i Këshillit po ashtu është njoftuar përmes e-mailit zyrtar të datës 08.11.2023 nga Zyrtarja e lartë për zhvillimin e rekrutimit të Divizionit për Zhvillimin e Rekrutimit dhe Inspektimit/DMZP/MPB e cila ka potencuar faktin se ankuesja i ka bashkëngjitur dokumentet gjatë afatit të ankesës, me ankesë të datës 12.09.2023, pas afatit për aplikim në konkursin e lartcekur..

Andaj, bazuar në faktet e lartë përmendura më sipër, konstatohet se Departamenti për Menaxhimin e Zyrtarëve Publik me rastin e nxjerrjes së Vendimit me numër Nr.25/2023 të datës 19.09.2023 ka vërtetuar në mënyrë të drejtë gjendjen faktike dhe ka zbatuar drejtë ligjin material duke vepruar kështu në përputhje me nenin 15 paragrafin 6 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës dhe nenin 132 paragrafi 2 të Ligjit Nr.05/L-031 për Procedurën e Përgjithshme Administrative.

Andaj, pas analizimit dhe vlerësimit të të gjitha shkresave të lëndës si dhe duke u bazuar nenin 6 paragrafi 1, nën paragrafi 1.1 si dhe nenin 18 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji i Këshillit vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër Vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.1207/2023

Çlirim Zeka

Procesmbajtës



Vendimi i dërgohet:

- Ankueses
- Departamentit për Menaxhimin e Zyrtarëve Publik/Ministria e Punëve të Brendshme dhe
- Arkivit të KPMSHCK-së.